

Kalaallit Nunaanni meeravissartaartussat akuerineqartarnerat pillugu nalunaarut

Meeravissartaarneq pillugu inatsisip allanngortinneqarnissaanut inatsisit assigiinngitsut Kalaallit Nunaanni atuutilersinneqarnerat pillugu peqqussummi nr. 410, 21. april 2010-meersumi § 5, imm. 2, § 27, § 28, imm. 5, § 29, imm. 1, pkt. 5., imm. 4, pkt. 2. aamma imm. 5, aamma § 36, imm. 4, peqqussutikkut nr. 188-ikkut 9. februar 2021-meersukkut allanngortinneqartut, aalajangersarneqarput:

Kapitali 1

Meeravissartaarniartut akuerineqartarnerat

Piginnaatitaaneq il. il.

§ 1. Meeraq 18-it inorlugit ukiulik meeravissartaarineqassappat qinnuteqaateqartup meeravissiaqarsinnaasutut akuerineqareersimanissaa piumasaqaataavoq. Tamatuminnga Naalagaaffiup Sinniisua aalajangiissaaq.

Imm. 2. Aapparisap imaluunniit inooqatigisap meeraanik, ernutaanik, qatanngutaasup meeraanik, qatanngut, angajoqqaat meeraat qinnuteqaateqartup qanigisariinneq sivisuumillu ilisarimannissimaneq tunngavigalugu attuumassuteqarfigisaanik imaluunniit meeqqamik qinnuteqaateqartup immikkut attuumassuteqarfigisaanik, assersuutigalugu meerarsiaanik meeravissartaarnissap akuersissutigineqarnissaa piumasaqaataangilaq.

§ 2. Meeravissartaartutut akuerineqarneq nalunaarutigineqarsinnaavoq:

- 1) meeqqamik pineqartumik (akuerineqarneq) meeravissartaarnissami imaluunniit
- 2) danskit imaluunniit nunat allamiut meeravissartaarnissamik suliarinnittutut oqartussaasut imaluunniit kattuffiata (akuersisarnermut sinaakkutit nalinginnaasut) siunnersuutigisaanik meeqqap meeravissartaarinissaani.

Imm. 2. Meeravissartaartarneq pillugu siunnersuisoqatigiit oqaaseqaataat tunngavigalugu akuersisarnermut sinaakkutit nalinginaasut Naalagaaffiup Sinniisuanit aalajangersarneqassapput, tak. peqqussummi § 28, imm. 1.

§ 3. Ulloq akuersiffik aallarnerfigalugu meeravissartaartutut akuerineqarneq ukiuni 4-ni atuutissaaq, taamaattoq tak. imm. 3.

Imm. 2. Qinnuteqartup §§ 8 aam 9 piumasaqaatit eqqortippagit aammalu qinnuteqartoq meeravissartaarisaminik perortitsinnaasutut isigineqarpat Meeravissartaarnissamik ataatsimiititaliap akuersissut ukiunik 2-nik sivitsorsinnaavaa, taamaattoq tak. imm. 3.

Imm. 3. Akuersissut sivitsorneqarsinnaavoq qinnuteqartoq meeqqap ukiuinut sanilliullugu ukiut 47-t sinnerneqarsimangippata.

Imm. 4. § 7 imm. 2 malillugu akuersissut ukiuni 4-ni atuutissaaq qinnuteqartoq ukiuni pillugit immikkut ittumik akuersissummik pisimaguni. Akuersissulli sivitsorneqarsinnaavoq qinnuteqartoq meeqqap ukiuinut sanilliullugu ukiut 47-t sinnerneqarsimangippata.

Imm. 5. Imm. 3 aamma 4 malillugu akuersisarnermut sinaakkutit iluini meeqqap ukiui appasinnerpaaffiatut paasineqassaaq nalinginnaasumik meeravissartaarnermi akuersissummik qinnuteqartoqarpat, tak. § 2, imm. 1 aamma 2.

Qinnuteqaat

§ 4. Meeravissartaarsinnaasutut akuerineqarnissamik qinnuteqaat Naalagaaffiup Sinniisuanut tunniunneqassaaq. Aappariit imaluunniit inooqatigiit ataatsimoorlutik qinnuteqaammik tunniussaqaassapput.

Imm. 2. Immikkut ittumik pisoqarsimatinnagu qinnuteqaat siusinnerpaamik meeqqap kingusinnerpaamik ilaqutariinni takkuttup tigungeraniit qaammatit 6-t qaangiunneranni tunniunneqarsinnaavoq.

§ 5. Immersuiffissaq oqaasertalersorigaq atorlugu qinnuteqaat tunniunneqassaaq. Nalunaarutit, uppersaasatit takussutissat il. il. immersugassami taaneqartut qinnuteqaammut ilanngunneqassapput.

Akuersinissamut piumasaqaatit

§ 6. §§ 7-9-mi piumasaqaatit qinnuteqaateqartup naammassisimappagit qinnuteqaateqartoq meeravissartaarsinnaasutut akuerineqarsinnaavoq aamma qinnuteqaateqartoq kisimiilluni imaluunniit aappani inooqatiniluunniit peqatigalugu meeravissiamik perortitsisinnaasutut isigineqarsinnaappat imaluunniit qinnuteqaateqartoq katissimappat inooqateqarpalluunniit, tak. imm. 2.

Imm. 2. Qinnuteqaateqartoq katissimasoq imaluunniit inooqateqartoq meeravissartaarsinnaasutut taamaallaat akuerineqarsinnaavoq, aappaasoq imaluunniit inooqataasoq tamatumunnga peqatigitillugu meeravissartaarsinnaasutut akuerineqarpat, tak. peqqussummi § 6, imm. 1. Taamaattoq tamanna atuutissanngilaq aappaasoq peqqussummi § 6, imm. 1-imi taaneqartutut inissisimappat.

§ 7. Piffissami qinnuteqaateqarfiusumi meeqqap ukiuinut sanilliullugu ukiunik 42-nik amerlanerunngitsunik qinnuteqaateqartup ukioqarnissaa meeravissartaarsinnaasutut akuerineqarnissamut piumasaqaataavoq. Nalinginnaasumik meeravissartaarniartutut qinnuteqarnermi meeqqap ukiui sapinngisamik akuersissutip sinaakkutissaasa iluini appasinnerpaaffigisinnaasaaniissapput, tak. §2 imm. 1 nr. 2.

Imm. 2. Taamaattoq imm. 1-imi piumasaqaat malinneqanngissinnaavoq

- 1) qinnuteqaateqartoq meeravissartaarnermi kingorna meeqqamik suli allamik meeravissartaarnissamut akuersissummik piffissap sivisunngitsup ingerlanerani qinnuteqaateqarpat, imaluunniit
- 2) immikkut pisoqartillugu.

§ 8. Aammattaaq meeravissartaarsinnaasutut akuerineqarnissamut piumasaqaataavoq

- 1) meeravissiaqarnerup nalaani qinnuteqaateqartup timikkut tarnikkullu peqqissusia meeqqap ajunngitsumik inuuneqarnissamut periarfissaanik ajornerulersitsissanngitsoq,
- 2) meeqqap perortinnissaanut qinnuteqaateqartup ineqarnikkut tunniussinnaasai piukkunnaateqassasut,
- 3) qinnuteqaateqartup aningaasaqarnera isumannaatsuussasoq, aamma
- 4) qinnuteqaateqartup meeravissiaqarnissamut piukkunnassusianik nalorninarsititsisumik qinnuteqaateqartoq pineqaatissinneqarsimassanngitsoq.

§ 9. Meeravissartaarnissamut qinnuteqaateqarnerup piffissaata iluani aappariit imaluunniit inooqatigiit sivikinnerpaamik ukiuni 2 ½-ni inooqatigiissimappata aatsaat meeravissartaarsinnaasutut akuerineqarsinnaapput, taamaattoq tak. imm. 2 aamma 3.

Imm. 2. Taamaattoq inooqatigiit meeravissartaartussatut akuerineqarsinnaapput qinnuteqarnerup piffissaata iluani ukiut 1 ½ inooqatigiissimappata aammalu qinnuteqartup aappaa meeravissartaartussatut akuerineqareersimappat, taamaattoq tak. imm. 3.

Imm. 3. Immikkut ittumik pisoqartillugu aappariit aammalu inooqatigiit meeravissartaartussatut akuerineqarsinnaapput naak piumasarineqartut imm. 1 aamma 2-mi eqqortinneqanngikkaluartut.

Meeravissartaarsinnaasutut akuerineqarnissaaq pillugu qinnuteqaateqarnermi misissuinissap akuersinissallu ingerlanneqarnissaat

Naalagaaffiup Sinnisuata misissuinissaa akuersinissaalu

§ 10. Meeravissartaarsinnaasutut akuerineqarnissamik qinnuteqaat Naalagaaffiup Sinnisuata tiguppagu, paasisutissat qinnuteqaatip nalilersornissaanut pisariallit Naalagaaffiup Sinnisuata pissarsiarissavai.

Imm. 2. Meeravissartaartitsisarnermut siunnersuisoqatigiit oqaaseqaataat tunngavigalugu nakorsaait atorlugit, tarnit nakorsaasa, tarnit pissusaannik ilisimasallit imaluunniit allatut immikkut misissuinissat aallartinneqarnissaat pillugu Naalagaaffiup Sinnisua aalajangiissaaq. Qinnuteqaateqartoq misissuinissap ingerlanneqarnissaanik paasinnissimagaluarpalluunniit tamanna atuutissaq.

Imm. 3. Qinnuteqaateqateqartup pisarialimmik annertussusilimmik siunnersorneqarnissaa Naalagaaffiup Sinnisuata qulakkiissavaa.

§ 11. Qinnuteqaateqartup meeravissartaarsinnaaneranik Naalagaaffiup Sinnisuata misissuina tunngavigalugu meeravissartaartitsisarnermut siunnersuisoqatigiit oqaaseqaateqassapput, kingornali suliaq pillugu Naalagaaffiup Sinnisua aalajangiissaaq.

§ 12. §§ 7-9-mi piunasaqaatit qinnuteqaateqartup naammassingippagit meeravissartaartitsisarnermut siunnersuisoqatigiit oqaaseqaataat tunngavigalugu erseqqinnerusumik misissuinertaqanngitsumik meeravissartaarsinnaasutut akuerineqarnissamut qinnuteqaat Naalagaaffiup Sinnisuata itigartissinnaavaa.

Akuersissut

§ 13. Tulliuttut pineqarnerat akuersissummi allassimassaaq:

- 1) suliniaqatigiiffiup imaluunniit Namminersorlutik Oqartussat aaqjissuusaanik meeravissartaarneq,
- 2) meeqqamik pineqartumik nunagisami meeravissartaarneq imaluunniit
- 3) meeravissartaarnermik suliaqarfik ilaasortaaffiginngikkaluarlugu qinnuteqaateqartup akuerineqarneratigut meeravissartaarneq, tak. § 27.

§ 14. Qinnuteqaateqartut nalinginnaasumik akuersissummik peqartut meeqqamik Kalaallit Nunaanni najugaqartumik meeravissartaarniarpata, Naalagaaffiup Sinnisua tamanna pillugu Namminersorlutik Oqartussanut ilisimatitsissummik nassiussissaaq, tak. §2 imm. 1 nr. 2.

§ 15. Qinnuteqaateqartut pineqartumik imaluunniit nalinginnaasumik akuerisat, tak. § 2, imm. 1, nunat allameersumik qitornavissartaarniat pineqartillugit qinnuteqaateqartoq pillugu nassuiaatit tunngavigalugit nunami allami meeravissartaartitsisarnermik oqartussat atugassaannik qinnuteqaateqartoq pillugu Naalagaaffiup Sinnisua nalunaarusiussaaq. Nalunaarusiaq meeravissartaarnermik suliaqarfimmut qinnuteqaateqartup ilaasortaaffigisaanut, tak. § 26, imaluunniit nunami allami meeravissartaartitsisarnermik oqartussat imaluunniit suliaqarfimmut, tak. § 27, Naalagaaffiup Sinnisuata nassutissavaa.

Kapitali 3

Meeravissartaarnermut akuersissutip atorunnaarsinnera

§ 16. Naalagaaffiup Sinnisuata Meeravissartaartitsisarnermut siunnersuisoqatigiit oqaaseqaataat tunuliaqutaralugu meeravissartaarnissamik akuersissut atorunnaarsinneqarnissaa aalajangersinnaavaa, imaattoqarpat

- 1) meeravissartaartussatut akuerineqarnissamik piunasaqaatit eqqortinneqarunnaarnerat, imaluunniit
- 2) peqqussummi § 28, imm. 2, malillugu qinnuteqartoq meeravissartaartussatut naleqquttut

isigineqarsinnaanngippat.

Imm. 2. Imm. 1 malillugu aalajangiinissami misissugassat pisariallit Naalagaaffiup Sinniisuata ingerlatissavai.

Imm. 3. Pissutsit qinnuteqaateqartup atugai allannguuteqartillugit tamakku qinnuteqaateqarsimasup Naalagaaffiup Sinniisuanut nalunaarutigissallugit pisussaaffeqarpoq.

Kapitali 4

Meeqqamik nunami allamiumik siunnersuuteqarneq (tulluartitatut siunnersuut)

§ 17. Meeravissiartaartitsisarnermik suliaqarfik qinnuteqaateqartup ilaasortaaffigisaa aqutigalugu qinnuteqartumut meeraq aalajangersimasoq siunnersuutigineqarpat (tulluartitut siunnersuut) akunniliulluni sullissisup meeqqamut sanilliullugu akuerineqarsinnaanersoq nalilissavaa. Sullissisup akunnermiliuttup qinnuteqartoq naliliineq pillugu ilisimatissavaa aammalu meeqqamut paasissutissat tunngasut qinnuteqartumut nassiutissallugit.

§ 18. Meeraq siunnersuutigineqartoq qinnuteqartup akuerisinnaagunagaatut inissimappat, akunnermiliuuttut sullissiviup qinnuteqartoq piumaffigissavaa nalunaaruteqassasoq meeraq siunnersuutigineqartoq meeravissiartaariniarlugu isumaqataanerminik.

Imm. 2. Qinnuteqaateqartup nalunaarutaa meeravissiartaartitsisarnermik suliaqarfiup Naalagaaffiup Sinniisuanut nalunaarutigissavaa tamutumunngalu peqatigillugu meeraq pillugu paasissutissat Naalagaaffiup Sinniisuanut aammalu Ankestyrelsenimut nassiutissallugit. Paasissutissat meeqqap nunami pilerfianiit pineqarsimasut imarissavaat, aammalu nakorsap meeqqamik naliliisimanagera, suliniaqatigiiffiullu suliarisimasai aammalu qinnuteqartoq meeqqamut tulluartitut nalilerneqartoq pillugu suliniaqatigiiffiup paasissutissaatai.

§ 19. Meeqqap siunnersuutigineqartup akuersinermi qinnuteqaateqartup piukkunnassusianut naleqquttuunera nalorninartutut meeravissiartaartitsisarnermut suliaqarfiup nalilerpagu, meeqqap siunnersuutigineqartup akuersissummut ilanngutitaanissaanik qinnuteqaateqarnissamut periarfissaqartoq meeravissiartaartitsisarnermik suliaqarfiup qinnuteqaateqartumut ilisimatitsissutigissavaa.

Imm. 2. Meeqqap siunnersuutigineqartup akuersissummut ilanngutitaanissaa qinnuteqaateqartup kissaatigippagu tamatuminnga meeravissiartaartitsisarnermik suliaqarfiup Naalagaaffiup Sinniisuanut ilisimatitsissutigissavaa tamutumunngalu peqatigitillugu meeraq pillugu paasissutissat Naalagaaffiup Sinniisuanut nassiutissallugit.

Imm. 3. Meeqqap siunnersuutigineqartup akuersissummut ilanngutitaanissaa qinnuteqaatip tamatuma akuerineqarsinnaaneranik Naalagaaffiup Sinniisuata aalajangiinissaanut atugassatut meeravissiartaartitsisarneq pillugu siunnersuisoqatigiit oqaaseqaasiussapput.

§ 20. §§ 18 aamma 19 malillugit qinnuteqaateqartup kingusinnerpaamik nalunaaruteqarfissaa Meeravissiartaartitsisarnermik suliaqarfiup aalajangersinnaavaa.

Imm. 2. Qinnuteqartup qinnuteqaatimi akuerisinnaasami iluani meeraq meeravissiartaaritinnaagaq akuerinngippagu, meeravissiartaarnissamik isumasioqatigiissitap oqaaseqaatai tunngavigalugit qinnuteqartup akuersissutaa atorunnaarsinneqarnissaa Naalagaaffiup Sinniisuata naliliiffigissavaa, tak. § 16.

Imm. 3. Qinnuteqartup meeqqamik meeravissiartaarnissamik qinnuteqartup akuerisinnaasaata iluani itigartitsinera allakkatiguussaaq aammalu tunngavilersorneqassalluni.

§ 21. Meeqqap siunnersuutigineqartup akuersinermi qinnuteqaateqartup piukkunnassusianut naleqquttuunera nalorninartutut suliniaqatigiiffiup nalilerpagu, meeraq pillugu paasissutissat meeravissiartaartitsisarnermik suliaqarfiup Naalagaaffiup Sinniisuanut saqqummiutissavai.

Imm. 2. Meeqqap siunnersuutigineqartup akuersinermi qinnuteqaateqartup piukkunnassusianut

naleqquttuuneranik aalajangiinissamut Naalagaaffiup Sinniisuata atugassaanik meeravissiartaartitsisarnermut siunnersuisoqatigiit oqaaseqaasiussapput.

Imm. 3. Naalagaaffiup Sinniisuata aalajangiinini qinnuteqaateqartumut aamma meeravissiartaartitsisarnermik suliaqarfimmut ilisimatitsissutigissavaa. Meeqqap siunnersuutigineqartup akuersinermi qinnuteqaateqartup piukkunnassusianut naleqquttuuneranik Naalagaaffiup Sinniisuata aalajangiinerata kinguneranik allannguutitut §§ 18-20 assinganik atuutissapput.

§ 22. Meeraq nunamit allameersoq qinnuteqartumut suliaqarfimmut akunnermiliuttunut nalunaarsimanngitsumut, Naalagaaffiup Sinniisuanut saqqummiunneqarpat, tak. § 27, meeqqap siunnersuutigineqartup akuersinermi qinnuteqaateqartup piukkunnassusianut naleqquttuuneranik aalajangiinissamut Naalagaaffiup Sinniisuata atugassaanik meeravissiartaartitsisarnermut siunnersuisoqatigiit oqaaseqaasiussapput, kingornalu suliami Naalagaaffiup Sinniisua aalajangiissaaq. Aalajangiineq pillugu Naalagaaffiup Sinniisua qinnuteqaateqartumut ilisimatitsissaaq tamatumunngalu peqatigitillugu meeraq pillugu paasissutissat qinnuteqaateqartumut nassiutissallugit. Meeqqap siunnersuutigineqartup akuersinermi qinnuteqaateqartup piukkunnassusianut naleqquttuuneranik Naalagaaffiup Sinniisuata aalajangiinerata kinguneranik allannguutitut §§ 18-20 assinganik atuutissapput qinnuteqaateqartullu nalunaarutaa Naalagaaffiup Sinniisuanut nalunaarutigineqassaaq.

§ 23. Meeqqat illersugaanissaat pillugu aamma nunat tamat akornanni meeravissiannngortitsisarnermik suleqatigiinneq pillugu nunat tamat Haagerimi 1993-imi isumaqatigiissutaat malillugu meeraq meeravissiassatut siunnersuutigineqarpat aamma meeraq qinnuteqaateqartup akuerineqarsimappat meeqqallu siunnersuutigineqartup meeravissiartaarnissaanut qinnuteqaateqartoq paasinnilluarsimappat, tak. § 18, imm. 1, suliap meeravissiartaartitsinissamut tunngasup suliarineqarnerata ingerlaannarnissaa pillugu nalunaarutip, nunat tamat Haagimi isumaqatigiissutaanni aalajangersagaq 17 c-imut naapertuunneranik meeravissiartaartitsisarnermik suliaqarfik nunami allami meeravissiartaartitsisarnermut oqartussanut nalunaaruteqassaaq.

Imm. 2. Meeraq nunamit allameersoq meeravissiassatut siunnersuutigineqartoq Naalagaaffiup Sinniisuanut nalunaarutigineqartillugu, tak. §§ 19 aamma 21, nunat tamat isumaqatigiissutaanni aalajangersagaq 17 c malillugu Naalagaaffiup Sinniisua nalunaaruteqassaaq.

Imm. 3. Immersugassaaq oqaasertalersoriigaq Ankestyrelsimit akuerisaq atorlugu imm. 1 aamma 2 malillugu nalunaaruteqartoqassaaq.

§ 24. Meeqqap qinnuteqartumut tunniutinngitsiarnerani Naalagaaffiup Sinniisuata pillagaasimannginnermik uppernarsaat tamakkiisoq pissiarsiarissavaa. Meeraq qinnuteqartumiilereersimappat Naalagaaffiup sinniisuata pillagaasimannginnermik uppernarsaat tamakkiisoq meeravissiartaarnermik uppernarsaat tunniutinngitsiarnerani pissariarissavaa.

§ 25. Suliami pasitsaassisoqarpat peqqussummi § 37 unioqqutinneqartoq (meeravissiartaarnermut ikiortinneq inerteqqutaasoq) Naalagaaffiup Sinniisuata tamanna Ankestyrelsenimut saqqummiutissavaa.

Kapitali 5

Nunat tamat akornanni meeravissiannngortitsisarneq

Nunat tamat akornanni meeravissiartaartarneq

§ 26. Meeravissiartaarsinnaasutut akuerisatut qinnuteqaateqartoq nunamit allameersumik meeravissiartaarnikkut meeravissiartaarniartoq, meeravissiartaarnermut suliaqarfimmut ilaasortaasariaqarpoq. Suliaq meeravissiartaarnermik suliaqarfimmut nassiunneqartinnagu

ilaasortaanermut uppersaart qinnuteqaateqartup Naalagaaffiup Sinnisuanut saqqummiutissavaa, tak. § 15.

§ 27. Meeqqamut meeqqalluunniit qanigisaanut imaluunniit immikkut pisoqartillugu qinnuteqartoq meeqqamik ilisimasaqareersimappat qinnuteqaateqartup meeravissartaarnermik suliaqarfimmut ilaasortaannginnissaa Ankestyrelsenip akuersaarsinnaavaa.

Imm. 2. Qinnuteqaateqartup imm. 1-imi pineqartup qularnaarlugu uppersaarsavaa:

- 1) qinnuteqartup meeqqamut imaluunniit meeqqap qanigisaanut attaveqarnera malittarisassat malillugit pisimasoq aamma meeqqap nunagisaani malittarisassat mallillugit,
- 2) attaveqarnera meeravissartaarnissaaq siunertarlugu pilersinneqarsimanngitsoq
- 3) inatsisit malillugit ileqqorissaarnikkullu isumannaatsunik meeravissartaarnissaaq piviusunngortinneqarsinnaasutut isigisariaqartoq, aamma
- 4) Akunermiliuttunik sulianiaqatigiiffinnik suleqateqartoqanngitsoq, imaluunniit suleqatigiinnissamik eqqartuinermik ingerlatsisoqanngitsoq nunat allat meeravissartaartitsisarnermik akunermiliuttuunik oqartussaasunik imaluunniit suliniaqatigiiffinnik.

Imm. 3. Nunat allat meeravissartaartitsisarnermik oqartusaasuinit imaluunniit suliniaqatigiiffianniit uppersaateqassaaq, taassuma nassiussiamagai qallunaat meeravissartaarnermik oqartussaasuisa noqqaassutigisisai, toqqaannartumik taakkununga nassiunneqartut.

Imm. 4. Noqqaasoqarneratigut nutserinernut aammalu paasissutissanik, inatsisinik il. il. atuuttussanngortitsisarnermut aningaasartuutit qinnuteqartup akilissavai. Nutsigaq pisortat oqartussa qarfianniit imaluunniit nutserisutut ilinniarsimasumit uppersarneqarsimassaaq.

Nunagisameersumik meeravissartaarnerq

§ 28. Namminersorlutik Oqartussat aqutugalugit meeraq meeravissartaarinnerqassappat, tak. meeravissartaarnerq pillugu Kalaallit Nunaannut nalunaarummi § 11, Namminersorlutik Oqartussat qinnuteqaateqartut akornanni, nassiussa qarimasunik Namminersorlutik Oqartussanut, tak. § 14, meeqqap pineqartup meeravissartaarinnerqassavaa piukkunnaateqarnerpaatut isigineqartoq Namminersorlutik Oqartussat toqqaassavaat.

Imm. 2. Meeraq Namminersorlutik Oqartussat toqqaagaat, qinnuteqaateqartup akuersarneqarnerata avataaniippat, meeravissartaartitsisarnermik isumasioqatigiissitaliap oqaaseqaataa tunngavigalugu Naalagaaffiup Sinnisua meeraq pineqartoq pillugu akuersinerup annertusineqarinnerqassavaa qinnuteqaat akuerineqarsinnerqassavaa aalajangiiffigissavaa.

§ 29. Naalagaaffiup Sinnisua qinnuteqartup meeqqamut aalajangersimasumut tunngatillugu nunagisameersumik meeravissartaarinnerqassavaa akueriguniuk, tak. §2, imm. 1, suliaq Ankestyrelsenimut nalunaarutigineqassaaq.

Kapitali 6

Meeravissartaartitsisarnermik siunnersuisoqatigiit suleriaasissaat

§ 30. Meeravissartaartitsisarnermik siunnersuisoqatigiit ilaasortaat inatsisileritooq siunnersuisoqatigiinni siulittaasuussaaq.

Imm. 2. Siunnersuisoqatigiinni ilaasortanngortitsisoqagissinnaavoq. Qaammatip ilaasortanngortitap 70-inik ukioqalerfiata naanerani ilaasortaatitaaneq naassaaq.

§ 31. Meeravissartaartitsisarnermik siunnersuisoqatigiit sulinissaat siunnersuisoqatigiit siulittaasuat siunnersuisoqatigalugu Naalagaaffiup Sinnisua pilersaarusiussavaa.

§ 32. Oqaaseqaateqarnissami siunnersuisoqatigiinni ilaasortat tamarmik peqataatinneqassapput, tak. peqqussummi § 28, imm. 1. Oqaaseqaat ikinnerussutillit oqaaseqataannik ilaqartinneqarsinnaavoq.

Kapitali 7

Meeravissartaarnermi aalajangiisartut malitassaat

§ 33. Meeravissartaarnermi aalajangiisartut malitassaat pillugu nalunaarut nr. 728, 10. juli 2019-imeersoq, Kalaallit Nunaannut atuuppoq makkuninnga allannguuteqarluni:

1) § 2, nr. 2 aamma kapitali 7 Kalaallit Nunaanni atuutinngillat.

2) § 2 nr. 1, meeravissartaartussatut akuersilluni Naalagaaffiup Sinniisuata aalajangigaannut assinganik atuuppoq, tak. peqqussummi § 28, imm. 1.

3) § 2 nr. 1, aamma kapitali 5 qitornavissartaarniartut akuerineqarnissaat pillugu Naalagaaffiup Sinniisuata suliaanut assinganik atuuppoq, tak. § 28, imm. 1.

Kapitali 8

Allaffissornikkut aalajangersakkat

Meeravissiaqartitsinerup malitseqartinnera

§ 34. Meeqqap tiguneqareerneratigut ilitersuinissamut angerlarsimaffimmulluunniit takuniaasarnissamut Naalagaaffiup Sinniisuata qinnuteqaateqartut neqeroorfigisinnaavai.

§ 35. Kalallit Nunaanni imaluunniit nunani allani oqartussat piumasarippassuk, malitseqartitsineq pillugu nalunaarusiornissamut Naalagaaffiup Sinniisua suleqataassaaq.

Naammagittaalliuuteqarsinnaaneq il. il.

§ 36. Naalagaaffiup Sinniisuata aalajangiineri pillugit naammagittaalliuutit Naalagaaffiup Sinniisuanut tunniunneqassapput, taassumalu naammagittaalliuut aamma suliami allagaatit Meeravissartaartitsisarnermik Aalajangiisartunut ingerlateqqillugit nassiuttassavai.

§ 37. Naalagaaffiup Sinniisua meeravissartaartitsisarnermik suliaqarfiit pillugit immikkut ittunik pissutsinik maluginiagaqarpat tamanna Naalagaaffiup Sinniisuata Ankestyrelsenimut nalunaarutigissavaa.

Kapitali 9

Atuutilerfia

§ 38. Nalunaarut manna 1. april 2021-mi atuutilerpoq.

Imm. 2. Meeravissartaarnermik aalajangiisartut malitassaat pillugit Kalaallit Nunaannut nalunaarut nr. 455, 28. april 2020-meersoq aammalu meeravissartaarnissamut akuersisarneq pillugu Kalaallit Nunaannut nalunaarut nr. 457, 28. april 2010-meersoq atorunnaarput.

Imm. 3. Meeravissartaarniartutut akuerineqarnissamut qinnuteqaatit 1. april 2021-iutinnagu tunniunneqartut meeravissartaarnissamut akuersisarneq pillugu Kalaallit Nunaannut nalunaarut nr. 457, 28. april 2010-meersoq malillugu naammassillugit suliarineqassapput. Malittarisassalli uani nalunaarummi atorneqassapput, tamanna qinnuteqartup inatsisitigut inissisimaneranik pitsaanerulersitsippat.

§39. meeravissartaarnissamut akuersisarneq pillugu Kalaallit Nunaannut nalunaarut nr. 457, 28. april 2010-meersoq malillugu immersugassat Familiestyrelsenimit akuerisat sulii atuupput, atorunnaarsinneqarnissaasa imaluunniit allanngortinneqarnissaasa tungaannut.

Social- og Ældreministeria,

Astrid Krag

/ Carina Fogt-Nielsen